

PROPOZICIJE

**TAKMIČENJA JUNIORA, KADETA, PIONIRA, PRETPIONIRA
KANTONA SARAJEVO ZA TAKMIČARSKU SEZONU 2023-2024**



Sarajevo, August 2023. god

I. UVODNE NAPOMENE:

Član. 1.

Ovim propozicijama utvrđuje se način i postupak sprovođenja takmičenja na nivou Kantonalne lige Juniora, Kadeti, Pionira grupa A, B i C, Pretpionira grupa A i B u velikom fudbalu.

Član. 2.

Organizator takmičenja u okviru Kantonalne lige Juniora, Kadeta, Pionira i Pretpionira je Fudbalski Savez Kantona Sarajevo.

Član. 3.

Omladinsku ligu Juniora, Kadeta, Pionira i Pretpionira sačinjavaju ekipe iz fudbalskih klubova, odnosno škola fudbala i fudbalskih akademija registrovanih u nadležnom FS KS, kao i određeni klubovi, odnosno škole fudbala i fudbalske akademije sa područja Istočnog Sarajeva u skladu sa Protokolom o sportsko-prijateljskoj saradnji između Fudbalskog Saveza Kantona Sarajevo i Fudbalskog Saveza područja sarajevsko-romanijskog.

Član. 4.

Klubovi učesnici u Kantonalnoj ligi Juniora, Kadeta, Pionira i Pretpionira Sarajevo obavezni su ispunjavati sljedeće uslove:

- da su igrači registrovani u skladu sa Pravilnikom o registraciji igrača NS/FS BiH;
- Na utakmicama mogu nastupiti samo oni igrači koji su uneseni u Comet informacioni sistem i koji su proglašeni zdravstveno sposobnim od strane nadležnih zdravstvenih institucija, ili određenih zdravstvenih ustanova. Svaki igrač koji nastupa u takmičenju mora u Comet informacionom sistemu imati unesen period važenja ljekarskog pregleda i period za koji je uplaćena članarina;
- Rok valjanosti ljekarskog pregleda za igrače je šest (6) mjeseci, a za igrače mlađe od 17 godina je četiri (4) mjeseca. Obavljeni ljekarski pregled mora sadržavati obavezujuće elemente koje je propisao Komitet za sportsku medicinu NS/FS BiH. Igrači koji nemaju upisan važeći ljekarski pregled u Comet–u, neće imati pravo nastupa na utakmici.
- Izuzetno, mogu nastupiti i igrači koji su godinu dana mlađi od naznačenih kategorija, ukoliko su na osnovu specijalnog ljekarskog pregleda proglašeni sposobnim za nastupe na tim utakmicama. Ljekarska uvjerenja nadležni registracioni savez unosi u Comet, na osnovu dokaza o obavljenom specijalističkom ljekarskom pregledu, dostavljenom od strane nadležne zdravstvene institucije ili određene zdravstvene ustanove, sa jasno naznačenim rokom valjanosti istog;
- Krajnji rok za dostavljanje ljekarskih uvjerenja tokom trajanja takmičarske sezone je posljednji radni dan u sedmici do 14:00 sati.

II. TAKMIČARSKI DIO

Član. 5.

Takmičenjem rukovodi Izvršni odbor Fudbalskog Saveza Kantona Sarajevo putem Komesara za takmičenje, Komesara za delegiranje sudija i Disciplinskog suca.

Član. 6.

Takmičenje će se odvijati u skladu sa propisima FIFA, Međunarodnim Fudbalskim Bordom i pozitivnim propisima fudbalske organizacije NS/FS BiH i ovim propozicijama.

Član. 7.

Utvrđeni raspored odigravanja utakmica se ne može mijenjati, ekipa koja iz neopravdanih razloga napusti takmičenje kažnjava se novčanom kaznom od 500,00 KM, a protiv odgovornih lica pokrenut će se disciplinski postupak po službenoj dužnosti.

Klub koji se neopravdano ne pojavi na utakmici, dužan je drugom klubu isplatiti troškove koje je klub imao za organizaciju utakmice, kao i troškove službenih osoba, u fiksnom iznosu od 180 KM.

Član. 8.

Za svaku utakmicu ekipa prijavljuje 18 igrača, koji su registrovani u skladu sa Pravilnikom o registraciji, statusu i transferu igrača NS/FS BiH. U igri sudjeluje 11 prijavljenih igrača.

Član. 9.

Svaka ekipa je dužna nastupiti u sportskoj opremi (dresovi sa brojevima, gaćice, štucne, kostobrani i kopačke), uz obavezno posjedovanje najmanje 3 lopte.

U slučaju da obje ekipe imaju iste ili slične dresove, promjenit će ih ekipa koja je domaćin na konkretnoj utakmici.

Član. 10.

Klub domaćin je obavezan da obavijesti svoga protivnika koja je boja njegovih dresova.

Član.11.

Klub domaćin je obavezan da teren za igru pripremi za odigravanje utakmice.

O spremnosti igrališta za igru odlučuje sudija susreta određen da vodi utakmicu. Sudija i delegat su obavezni unijeti u zapisnik odluku o neispravnosti terena

III. UTVRĐIVANJE PLASMANA

Član. 12.

Klub koji pobijedi osvaja (3) boda, u slučaju neriješenog rezultata svaka ekipa osvaja po (1) bod.

Plasman ekipa se utvrđuje zbirom osvojenih bodova, na osnovu tabele koja se vodi za stalna takmičenja po bod sistemu. Tabela sadrži: rezultat utakmice odgovarajućeg kola, imena timova koja se takmiče, broj osvojenih bodova i broj primljenih i datih golova.

Detalje oko utvrđivanja plasmana reguliše član 43. Pravilnika o Nogometnim takmičenjima N/FS BiH.

Član. 13.

Pioniri su svrstani u tri grupe. Grupa A igra trokružni sistem takmičenja, a grupe B i C igraju dvokružni sistem takmičenja.

Prvak grupe A je ujedno i prvak Omladinske lige pionira FS KS za sezonu 2023/24.

Pretpioniri su svrstani u dvije grupe. Obje grupe igraju trokružni sistem takmičenja.

Prvak grupa A je ujedno i prvak Omladinske lige pretpionira FS KS za sezonu 2023/24.

IV. DUŽNOSTI KLUBOVA

Član. 14.

Svaki klub je dužan da na utakmici nastupi sa najboljim sastavom čiji podaci se unose u Zapisnik sa utakmice i to prije početka utakmice. Delegat je dužan na utakmici izvršiti identifikaciju igrača, predstavnika kluba, trenera, ljekara i drugih zvaničnih lica koji su evidentirani u zapisnik i koji su stekli pravo sjediti na klupi.

Klubovi sa kategorijama juniora, kadeta i pionira čiji igrači nastupaju u ligama juniora, kadeta i pionira FS RS, NS F BiH i NS/FS BiH, nemaju pravo nastupa u Ligi kadeta i pionira FS KS, osim u slučajevima igrača koji igraju u ligama mlađih kategorija NS F BIH i NS/FS BiH kojima je dozvoljeno da igraju u ligama starijih kategorija FS KS. U slučaju nepoštivanja navedenog pravila, ekipe će snositi disciplinske i takmičarske sankcije.

Član. 15.

Klub domaćin je dužan da obezbjedi fizioterapeuta, redarsku službu sa dovoljnim brojem redara, pripadnike MUP-a, i dežurna ambulantna kola ili zamjensko sanitetsko vozilo.

U slučaju neispunjavanja uslova iz prethodnog stava, klub neće imati pravo nastupa na utakmici i snositi će takmičarske i disciplinske sankcije.

Član. 16.

Na utakmicama Kantonalne lige Juniora, Kadeta, Pionira i Pretpionira mogu nastupati samo igrači čiji je identitet utvrđen putem fotografije igrača iz Comet sistema, a u slučaju da Comet nije u funkciji, identitet će se utvrditi na osnovu javne isprave, lične karte ili pasoša, odnosno štampane ID Comet kartice. Igrači sa neadekvatno pohranjenom fotografijom u Cometu (kada je nemoguće utvrditi identitet) delegat utakmice neće dozvoliti nastup na utakmici. Identitet se u pravilu utvrđuje prije početka utakmice.

Ekipe koje imaju više od jedne selekcije u nekoj od istih kategorija, obavezne su kancelariji Saveza dostaviti spisak igrača po selekcijama prije početka svake polusezone, a isti će se proslijediti svim ekipama određene grupe, iz razloga što je zabranjeno vršiti prebacivanje igrača iz jedne u drugu ili treću selekciju iste kategorije u toku sezone, osim u slučajevima kada igrači sa spiska jedne selekcije nisu nastupali za istu selekciju u toku polusezone. Ukoliko se ipak ovo desi, ekipa će snositi takmičarske posljedice, dok će se trener i odgovorna osoba ekipe kazniti novčanom kaznom od 100 KM. Ukoliko se prekršaj ponovi kazna iznosi 300 KM i pokreće se disciplinski postupak protiv trenera i odgovornih lica ekipe.

Identitet se utvrđuje prije početka svake utakmice. Ukoliko se ustanovi da je identitet igrača neistinit, akreditovani trener i predstavnik kluba će snositi disciplinske mjere.

Na utakmicama mogu nastupiti samo igrači čiji je identitet utvrđen putem fotografije igrača iz Comet sistema, a u slučaju da Comet nije u funkciji, identitet će se utvrditi na osnovu javne isprave, lične karte ili pasoša, odnosno štampane ID Comet kartice. Igrači sa neadekvatno pohranjenom fotografijom u Cometu (kada je nemoguće utvrditi identitet) delegat utakmice neće dozvoliti nastup na utakmici. Identitet se u pravilu utvrđuje prije početka utakmice.

Ukoliko se identitet igrača utvrđuje na osnovu javne isprave, identitet će se naknadno izvršiti na osnovu podataka iz Comet sistema. Delegat će navesti broj lične karte ili pasoša, a u izvještaj i sve ostale relevantne podatke (matični broj, datum rođenja i dr.).

Igrač koji nije ljekarski pregledan ne može nastupiti na utakmici.

V. DELEGAT UTAKMICE

Član. 17.

Delegati (aktivni igrači i treneri) ne mogu obavljati dužnost delegata na istom rangu takmičenja na kojem zvanično igraju i obavljaju trenersku dužnost.

Za sve utakmice takmičenja organ (Komesar za takmičenje) određuje delegata.

Listu delegata na nivou Kantonalne lige Juniora, Kadeta, Pionira i Pretpionira čine sportski fudbalski radnici i bivše sudije instruktori, koje usvaja Izvršni odbor Saveza.

VI. SUDIJE

Član. 18.

Utakmice Juniora, Kadeta, Pionira i Pretpionira Kantonalne lige Sarajevo mogu suditi Kantonalne sudije i sudije koje stiču uslove za Kantonalnog sudiju. Listu sudija predlaže Komisija za sudijska pitanja, a listu usvaja Izvršni odbor Saveza. Delegiranje sudija za utakmice vrši Komesar za delegiranje sudija kojeg je imenovao Izvršni odbor Saveza.

Sudije će suditi na osnovu propisa FIFA, Međunarodnog Borda, propozicija takmičenja kao i pozitivnih propisa NS/FS BiH.

VII. ŽALBE

Član. 19.

Žalbe po svim osnovama moraju se najaviti putem fax-a u roku od 24 sata po odigranoj utakmici, a pismeno obrazloženje sa dokazom o uplaćenju taksu od 100.00 KM mora se dostaviti u Sekretarijat Saveza u roku od 48 sata po odigranoj utakmici.

Član. 20.

Sve takmičarske odluke u prvom stepenu donosi Komesar za takmičenje omladinskih liga Kantona Sarajevo, a disciplinske odluke u prvom stepenu donosi Disciplinski sudac.

O žalbama na prvostepene odluke odlučuje Apelaciona komisija FS KS.

Taksa za žalbu u drugom stepenu iznosi 200,00 KM, a rok za žalbu u drugom stepenu je osam (8) dana od donošenja prvostepene odluke. Odluka drugostepenog organa je konačna.

Član. 21.

Odluka po svim žalbama se objavljuje u službenom biltenu Saveza na oficijelnoj web stranici Saveza www.fsk.ba.

VIII. TEREN

Član. 22.

Obavezne dimenzije igrališta u Kantonalnoj ligi Juniora, Kadeta, Pionira i Predpionira su 90 x 45 kao i tereni sa dimenzijama 100 x 64. sa ogradom visine minimum 1,20m, udaljenom od uzdužne i poprečne linije 3 (tri) metra.

Na igralištu treba da postoje kabine za rezervne igrače i delegata.

Član. 23.

U sklopu terena treba da postoje svlačionice za goste i domaćine, mokri čvor, svlačionice za sudije i službena lica (prostorije).

IX NORMATIVNI DIO

Član. 24.

Sve odluke u vezi takmičenja se donose na osnovu Propozicija takmičenja i odredbi Pravilnika o fudbalskim takmičenjima NS/FS BiH, a disciplinske sankcije na osnovu Disciplinskog pravilnika NS/FS BiH.

X REGISTRACIJA UTAKMICE:

Član. 25.

Ako na utakmicu nije uložena žalba, a ne postoje uslovi za registraciju po službenoj dužnosti 3:0 (par forfe) utakmica se registruje postignutim rezultatom.

Jednom registrovana utakmica ne može biti poništena ako je prvostepena odluka pravosnažna ili je donijeta od strane drugostepenog organa koja je konačna.

Takmičarski organ vrši registraciju odmah poslije odigranog kola i odluke se pismeno objavljuju u službenom biltenu Saveza na web stranici Saveza www.fks.ba.

XI FINANSIJSKE ODREDBE

Član. 26.

Sudijama i delegatima se isplaćuje naknada troškova u skladu sa troškovima ovog Saveza koje su unesene u Propozicijama.

Sudije i delegati imaju pravo na taksu u visini:

- Glavni sudija 30.00 KM.
- Delegat 30.00 KM.
- Pomoćne sudije 25.00 KM

Putni troškovi:

- Sokolac – 25 KM

Isplatu troškova službenih lica (takse) uz sve pripadajuće troškove vrše klubovi na transakcijske račune službenih lica, najkasnije do naredne utakmice. Neispunjenjem finansijskih obaveza prema službenim licima u ostavljenom roku, nastupa automatska suspenzija kluba.

Član. 27.

Ostali troškovi takmičenja padaju na teret svih klubova kao vid kotizacije koju treba uplatiti prije početka takmičenja.

Kotizacija za JUNIORE, KADETE, PIONIRE, PRETPIONIRE izosi po selekciji kluba 200.00 KM za sezonu. Uplata se vrši na transakcijski račun Saveza br. 3389002207955526 kod Unicredit bank Sarajevo.

Uplata 50% od kotizacije je obavezna 15 dana prije početka takmičenja (jesenji dio) a drugi dio 15 dana prije početka drugog dijela takmičenja (proljetni dio).

Član. 28.

Klub koji ne uplati kotizaciju za takmičenje bit će suspendovan, a snosit će i disciplinske posljedice po odredbama Disciplinskog pravilnika NS/FS BiH.

Član 29.

Nogometni turniri ne mogu se organizovati tokom trajanja takmičarske sezone bez dobivanja posebnog odobrenja matičnog Fudbalskog Saveza Kantona Sarajevo. Škola fudbala ili fudbalski klub koji bude organizovao turnire bez odobrenja Saveza, kao i škola fudbala ili fudbalski klub koji bude učestvovao na takvim turnirima, snosiće disciplinsku kaznu u iznosu od 500 KM, a u ponovljenom slučaju biće automatski isključen iz daljeg toka takmičenja.

XII OSTALE ODREDBE

Član. 30.

Za sve što nije predviđeno ovim Propozicijama važe odredbe Pravilnika o fudbalskim takmičenjima i Disciplinskog pravilnika NS/FS BiH.

Član. 31.

Ove Propozicije stupaju na snagu danom donošenja, a primjenjivat će se na takmičenju u okviru Kantonalne lige Juniora, Kadeta, Pionira i Pretpionira za jesen 2023. godine, odnosno proljeće 2024. godine.

XII TRAJANJE UTAKMICA

Član. 32.

- PRETPIONIRI 2 x 30 sa 7 izmjena u 3 prekida – god. 01.01.2010. i mlađi

- PIONIRI 2 x 35 sa 7 izmjena u 3 prekida - god. 01.01.2009. i mlađi

- KADETI 2 x 40 sa 7 izmjena u 3 prekida - god. 01.01.2007. i mlađi

- JUNIORI 2 x 45 sa 7 izmjena u 3 prekida - god. 01.01.2005. i mlađi

Izmjene igrača u poluvremenu utakmice se ne računaju u ciklus izmjena.

Član 33.

Zbog aktuelne pandemije corona virusa, u slučaju novih epidemioloških mjera, Fudbalski Savez Kantona Sarajevo postupaće po uputama i naredbama nadležnih organa Federacije BiH i Kantona Sarajevo.

Sarajevo, August 2023. god.

PREDSJEDNIK
Hamdo Spahić, sr

Broj: 598/23

Sarajevo, 24.07.2023. godine

Na osnovu člana 41. i 57. Statuta Fudbalskog Saveza kantona Sarajevo (FS KS), a u vezi sa Odlukom Komiteta za sportsku medicinu NS/FS BiH od 11.05.2023. godine, Odbor za hitne potrebe FS KS na sjednici održanoj dana 24.07.2023. godine, donio je sljedeću:

ODLUKU

o obavezujućim elementima za ljebarske preglede igrača

Član 1.

Ljebarski pregled igrača mora sadržavati sljedeće minimalne obavezujuće elemente:

a) Internistički pregled ili pedijatrijski pregled (za igrače do 16 godina), koji obavezno treba

sadržavati: EKG analizu u skladu sa UEFA propisima i osnovnu laboratorijsku obradu,

b) Oftalmološki pregled,

c) Stomatološki pregled,

d) Ostale testove i analize prema indikaciji.

Član 2.

Svaki igrač mora imati nalaz o izvršenom ljebarskom pregledu koji sadrži ocjenu o zdravstvenoj sposobnosti igrača.

Fudbalski Savez Kantona Sarajevo prihvatat će ljebarska uvjerenja zdravstvenih ustanova koja sadrže minimalne obavezujuće elemente iz člana 1. ove Odluke.

Ova Odluka stupa na snagu danom objavljivanja u Službenom glasniku FS KS.

O B R A Z L O Ž E N J E

Odbor za hitne potrebe FS KS razmatrao je propozicije takmičenja sa minimumom medicinskih zahtjeva fudbalskih takmičenja u BiH, Kantonalne lige Kantona Sarajevo i omladinskih i dječjih liga Kantona Sarajevo.

Propozicijama takmičenja predviđa se obaveza da svaki igrač koji nastupa u nekom od prednje navedenih takmičenja, obavezno mora imati nalaz o izvršenom lječarskom pregledu koji sadrži ocjenu o zdravstvenoj sposobnosti igrača.

Shodno prednje navedenom, a kako bi se u potpunosti ispoštovale odredbe propozicija takmičenja, te precizirala i pojednostavila njihova primjena u praksi, Odbor za hitne potrebe FS KS je u skladu sa odlukom Komiteta za sportsku medicinu NS/FS BiH donio odluku kao u dispozitivu.



Predsjednik

Hamdo Spahić
Hamdo Spahić